

Brčko nastavlja pozitive procese, ali napredak mora biti brži



Obraćanje prvog zamjenika visokog predstavnika i supervizora za Brčko Jonathana Mennutija na ceremoniji obilježavanja 23. godišnjice osnivanja Brčko distrikta

Poštovani zvaničnici, gosti, građani i građanke Brčkog. Prije svega, želim vam svima čestitati Dan Brčko Distrikta, kao i Međunarodni dan žena.

Osmi mart nam daje priliku da podvučemo liniju i ocijenimo napredak u protekloj godini. Drago mi je što mogu reći da je Distrikt nastavio pozitivne procese.

U februaru je završen spomenik civilnim žrtvama, posljednji dio dogovora o spomenicima iz davne 2009. Nije bilo lako postići taj dogovor, kao što nije bilo lako izaći iz decenije stagnacije reformi u Brčkom.

Ali Brčko je uspjelo. Taj spomenik je stalni podsjetnik da nema alternative dogovoru i zajedničkom radu na zajedničkoj budućnosti.

U tom duhu, jučer smo obilježili početak radova na novoj poslovnoj zoni. Nova poslovna energija i dobro plaćeni poslovi u privatnom sektoru su najbolji način da ponudimo bolje uslove mladima. To će oslobođiti građane tereta političkih veza i

svesti javnu upravu na razumne okvire.

Distrikt je nadišao vanjske pritiske, kao što je porast cijena energije koje je uzrokovala brutalna agresija Rusije na Ukrajinu. Nastavila se modernizacija Luke.

Nastavlja se i deminiranje preostalih područja, kao i razvoj kapaciteta tijela (institucija) za borbu protiv korupcije i sukoba interesa. U toku su izrade zakona za reformu javne uprave i razvoj energetskog sektora.

Neke od ovih stvari vam zvuče poznato jer o njima slušate već duže vrijeme. I dok su neki zastoji uzrokovani vanjskim faktorima, drugi su krivica lokalnih organa.

Brčko mora brže rješavati probleme i završavati projekte! Ciljevi sami po sebi nemaju smisla ako ih ne ostvarite, a proces nije isto što i rezultat.

Vrijeme je da građani i građanke vide stvarne rezultate na terenu. Stvarne kilometre novog autoputa. Stvarnu reformu javnog sektora!

Odgovornost je vlasti Distrikta da zadrže fokus na reformama i ne dopuste dodatne zastoje. Ovo jeste i uvijek će biti odgovornost institucija Distrikta.

Radujem se nastavku rada sa lokalnim zvaničnicima i još ljepšoj panorami Brčkog na narednoj proslavi Dana Distrikta.

Hvala vam.